

TUSI LOTU MO ASO TAKITASI

VAEGA 3

Ilulai
2021

TalaLei

ASO TAKI TASI

SEAI SE TOGI
E TAPU TE FAKATAU
KO OTI NE TOGI NE
TAUGASOA O TE MINISITULI,
TELA KE TUFA FUA E AUNOA
MO SE TOGI.

KAFAI KO FATOA TOE LAGONA EILOA NE KOE SE TALA GALI MAI I SE FENUA MAO,
E PELA EILOA ME KO INU KOE KI SE VAI MOKO ITE TAIMI E FIAINU EI KOE.

Uebert @ BeBe
ANGEL



Become a **GoodNewsWorld** PARTNER



PARTNER NOW AND HELP SPREAD
THE **GOODNEWS** AROUND THE WORLD

VISIT www.goodnewsworld.com/partner



UEBERT & BEBE ANGEL

Ite fia o tausaga ko oti ne galue iei laua, a Uebert mo Bebe Angel ne galue malosi ite fakalauefaga ote Tala Lei ite Alofa tauanoa o te Atua mo valoaga faka-pelofeta ite lalolagi. Ne tusigina foki ne laua a tusi Tava faka-te agaga, Olaga pikimau kite Atua, Te Pangke o Talosaga, Te malosi ote tino talitonu mo nisi tusitusa aka e uke. A laua e lauga I fonotaga e uke ite lalolagi kae lauiloa I te galuega talai a laua. Ne kamata ne laua te Lotu ko te Good News Church (Spirit Embassy), kae e iai foki ia laua te mealofa o te pelofeta, tela ko oti ne fai iei ne laua ne galuega e uke kae maise te takiiga o ola e uke e auala ite talai atu ne laua ote Tala Lei e uiga mo te alofa o te Atua.

**Fataoto 4:23**

Fakaeteete me e pefea a koe o mafaufau; a tou olaga e fakafoli-gagina ne ou mafaufauga.

A tou mafaufau ko te mataloa ki tou loto. Tela la ke mafai o leoleo a tou loto, e tau o kamata mai tou mafaufau. Ko tona uiga koe e tau o fakaeeteete tou mafaufau, ou mafaufauga mo te auala tela e mafaufau iei koe. Masaua, te Tusitapu e fai mai me ite tino e pau mo mea kola e mafaufaugina ne ia. Tapale keatea a muna se lei mai tou gutu. Ke fakamao mai pati se aoga.

Me tena tonu e iloa te pogai e ulu atu iei a mea se lei ki tou loto. Kilo tonu ou mata ki mua kae saele tonu kiei. Ite taimi e avatu iei ne te Atua a tena

muna e uiga mo tou olaga, tau galuega, kaiga, avaga, fanau, mau-mea io me sea aka foki-aia ka se mafai o fano keatea mai iei. Sa faipati ki mea se io me faipati ki mae kola ko oti ne faipatigina ne te Atua e uiga mo koe. Faipati tena Muna kae kilo tonu ki mua. Sa taliagina ne koe ke ave keatea te Muna a te Atua e uiga mo tou olaga, kae ka mafai ne koe o molimau mo ia. Masaua te fai fakalei o tou loto io koe te tusaga tena.

TAKUTINOFA FAKA-PELOFETA

Au ko te tino tela ne fai mai te Atua me ko au tena. Au e maua ne au a mea kola ne fai mai iei aia kae ite aso nei au ko gasue mai te olaga malu kite olaga malu. Au e manuia ia Iesu, kae ko mea katoa e galue mo toku lei, ite igoa o Iesu!

TUSI SUKESUKE FAOPOPO

Loma 12:2



2 Kolinito 8:9

Me e iloa ne koutou a te alofa tauanoa o te Aliko ko Iesu Keliso, ko tuku ne Iesu Keliso a tona malu fakatupu ona ko koutou, ke a aia mo tino mativa ite tena vauga ki te lalolagi I se auāla mama, ko te mea ke maukoloa a koutou ite koloa faka-te-agaga.

Ite taimi ko oti iei koe ne fanau fou, te olaga mativa ka se toe mafai o fai mo se vaega o tou olaga. Au e iloa ne au e isi ne tino e talitonu me i kelisiano e tau ne ola ise olaga mativa kae e pogai te talitonu tena ite se maina o latou ite Muna a te Atua. Te mativa e seai ko te seai o seai ne sene io me ko nisi mea aka kola e tau mo te olaga. Kae kote se talitonu kite mafai ote mafaufau ote tagata.

A maumea katoa ite lalolagi ea koe manafai koe e fanau fou. Taimi loa e talia iei ne koe te muna tonu tena ki tou agaga kae talia ke fakatakitaki kiei tou mafaufau, ka avatu ne ia kia koe te mafaufau fou. Ka faigata iei ia koe o sasale ite mativa mo te seai. Te Tusitapu e fai mai me ia Iesu ne fai ke mativa aia ko te mea ke mafai iei tatou ona ko tena mativa, ke maumea (2 Kolinito 8:9).

Ne amo ne ia se fua ko agasala a te lalo kae ko pokotiaga foki ote agasaal tela ko te mativa. Tenei te pogai so se kelisiano e tau o teke atu kite mativa. Tela la teke kae fakaseai te olaga ote seai, sa ola e pela me se tino takavale.

TAKUTINOGA FAKA-PELOFETA

Au e fakatasi mo Keliso, te lalolagi ea aku, kae e seai se mea lei e se maua ne au. Au e ola ite olaga maumea lasi, toku olaga kote ata fakatino tena ote lei mo te alofa tauanoa ote Atua. Aleluia!

TUSI SUKESUKE FAOPOPO: 1 Kolinito 3:21



Efeso 1: 3 Ke fakafetai atu tatou kite Atua te Tamana ote tou Aliko ko Iesu Keliso, tela ne fakamanuia mai kia tatou e auala ia Keliso I fakamanuiaga kesekese faka tea gaga ne aumai mai ite lagi.

Te Atua ko oti ne avatu ne ia kia koe a ia, tena malo mo mea katoa! Ite taimi e talia iei ne koe a Keliso, mea katoa ea koe. E seai aka se mea e tau o avatu ne ia kia koe me ia koe la e soko tasi mo ia. Tela la, tiaki te olaga fita. Fiafia tou olaga ia Keliso. Te Tusi faitau a tatou e fai mai me ko oti ne fakamanuiagina tatou ki fakamanuiaga kese kese faka tea gaga, mo mea katoa kola e manako koe kiei. Seai se mea seki avatu kia koa. Ko oti ne fakamanuia ne ia koe (se mea ko oti ne fai ne ia), kae seai manafai ko oti koe ne fakalilikiki kae talo kiei.

Se mea ko leva ne fakatoka mo koe. Tela la fakagata te ola fita i tulaga tau te malosi faka te foino, ou kai ite akoga, mo au mea tau tupe. Fakagata te fakafita I tou mafaufau, kae filifili o ola ite olaga manava (Isaia 26:3). Te talo tauanau ke maua ne koe a mea kola ko oti ne tauto mai aia se faifaiga e fakamaumau taimi. Ola ite Muna mo te Agaga. Ka lavea iei ne koe me I mea katoa kola e manako koe kiei ko leva ne avatu ne ia ite auala tena e sasale koe iei. Ke vikia tena igoa kite se gata mai!

TAKUTINOGA FAKA-PELOFETA

Au e gasue ite mainaga ote Muna a te Atua. Au e mafaufau faeloa kite lasi ote fakamanuiaga ko oti ne aumai ne te Tamana ki luga ia au, kae ko au ka fakaaoga ne au mo te fiafia katoatoa. Aleluia!

TUSI SUKESUKE FAOPOOPO

2 Petelu 1:3

**Mataio 6:31-32**

Tela la sa kamata o manavase? Ka maua mai fea a aku meakai? io me ko aku meainu? io me ko oku gatū? Ate tou Tamana ite lagi e iloa ne ia me ia koutou e manako ki mea katoa konei.

Kaia te tino tela e faitau kite Muna a Iesu kae koi tumau e iloa ite manavase? Aia e iloa ne ia a mea katoa kola e tau mo koe ke ola koe ite olaga katoatoa. Tela la, teke atu te manavase ki gatū io me ko mea tafao e manako koe kiei.

So se taimi e oko atu kia koe te manavase, tuu ki luga kae faipati ki luga, "au ka fakagata ne au te manavase!". Tela la, fano ki loto I tena Muna tapu kae kamata o faitau kae mafaufau loto kite

Muna a te Atua. Ka lavea ne koe te togafiti mo manavase ko te ola ite Muna a te Atua. Te Tusitapu e fai mai "ke sa manavase koutou I se mea, kae I mea katoa ite talo mo te loto talitonu ke taku atu outou manakoga kite Atua."

Te la taina mo tuagane, ne fai mai ke sa manavase kise mea e tasi. Ko tona e seai se mea pela e tau iei koe o manavase. Seai lele e iloa. Piki mau kite Muna kae fakagata te manavase!

TAKU TINOGA FAKA-PELOFETA

Au e seai soku manavase me I toku fatu e nofo tumau ite Muna Tapu. Ko oti ne fakatakavale ne au a satani, te lalolagi, mo sose tulaga ote olaga, me malosi kae sili atu aia tenei e nofo iloto ia au. Aleluia!

TUSI SUKESUKE FAOPOOPO

Filipi 4: 6

**Maleko 11:23**

E fakapatonu atu ne au kia koutou me sose tino tela e fai atu ki te mauga foliki tenei ke tuu ake kae pei atu e iloa aia ki te tai kae e se fakalotoloto lua l tona loto, kae talitonu l muna e fai ne ia ka tupu, ka faigina e iloa mo ia.

Te Atua e fai mai me mafai o maua ne tatou a mea katoa kola e faipati tatou kiei. Tela la, me nea mea e manako tatou kiei, e mafai ne tatou o faipati ko maua ne tatou. Te fakalavelave, nisi tino koi faipati loa ki mea kola e se manako latou kiei, tela la e tumau e iloa latou ite koga tena.

E pena foki i tulaga o talosaga, tokoukega o tino talitonu e fai ne latou kite Atua te lasi o olotou fakalavelave

ilo te faipati ki fakalavelave a te lasi mote mana ote Atua o latou. Me sea te mauga e fakafeagai mo koe, me ne kaitalafu, se masaki, kafai e filifili a koe ke faipati koe kite Tala lei mote alofa tauanoa ote Atua iluga l sose tulaga ote olaga, koe ka fakatoka ne koe a koe ki se mea fakaofofogina. E se taua me sea te mea ko mate io me ko seai ite aso nei l tou olaga. Kafai e filifili ne koe ke faipati ne koe te tala lei, koe ko gasue ki loto ite mana ote Atua, kae ko sose mauga ka gasue.

TAKU TINOGA FAKA-PELOFETA

Ite aso nei au e filifili o faipati te ola iluga l toku kaiga, iluga l taku pisinisi. Te mana ote Atua ka fai ne ia ko mea katoa ke galue mo toku lei, ite igoa o Iesu!

TUSI SUKESUKE FAOPOOPO

Loma 10:10

**Isaia 58:8**

Tena la, ka fakaasi atu iei a toku faiafia kia koutou e pela mote maina mai ote la ite taeao kia koutou, kae ka fakalei fakavave foki ne au a outou pakiaga. Ka fakatasi atu faeloa au ki a koutou o fakaola a koutou, a toku fakatasi atu kia koutou ka puipui iei koutou I outou feitu katoa.

E mata koe e ola ite olaga ote mafau faeloa mo te salamo ki mea ko oti ne tupu kae fai pela 'moi ne fai la...?' "Moi ne fai la au e akoga fakalei ..., moi ne fai la e avaga au kite fafine tonu penei...moi ne puke ne au te galuega tela penei...moi ne se fai ne au te mea see tela penei.... E mata tou aso ko tena e pulegina ne ia tou aso nei? Fakapuli atu te aso ko teka! Te Atua ko oti ne fakamagalo ne ia koe mai au agasala katoa. Ko oti ne fakamagalo ne ia koe katoatoa kae ne fai mai foki "au agasala mo mea masei katoa, ka se toe masava ne au." Te Tusi a tatou mot e aso nei e fai mai me ite fakatasi mai ote Aliko ka puipui ne ia tatou I feitu katoa. Sose koga e fano koe iei, ko oti ne puipui ne ia koe mai tou aso ko teka. E se toe pau te aso ko teka e pela mo te mea e masava ne koe me ko oti ne ufigina ne tena malu fakatasi mai. Te aso ko teka ko tena ko oti atu foki. Ko oti ne tapale keatea. Ko fano! Tela la, sa aumai tou aso ko teka ke kaisoa ne ia te fiafia e tau o ola koe iei ite ao nei!

TAKU TINOGA FAKA-PELOFETA

Au se tino fou ia Keliso, a mea katoa ka fou. Au e seiloa ne au ne mea see a aku. Toku olaga ko oti ne funa iloto ia Keliso, alleluia!

TUSI SUKESUKE FAOPOPO

2 Kolinito 5:17, Epelu 10:17



Epelu 11:1A te fakatuanaki, ko te talitonu ki mea e fakamoemoe a tou ki ei, kote talitonu fakamaoni foki ki mea e se matea ki mata.

Te fakatuanaki kote ata foitino ote talitonu patonu. E seai fua se mafaufauga, kae se mea tela e fakamaonia iei. Kafai tatou e sasale ite fakatuanaki, se fakamaoniaga tonu tena e taina mo tuagane, tena te tina fakamaoniga tonu. Kafai e maua a ivi o manu lasi kola ne ola ite fia o taua ko leva, a ivi kona seai ko te manu kae ko te fakamaoniaga tena me I manu kona ne ola ite lalolago. Nei ko mafai o fakatalitonu ate olotou isi se mea e tonu e iloa. Tena te mea te fakatuanaki e se mafai o fakaseegina. Aia kote fakapatonuga o mea kola e se mafai o lavea ki mata. Kafai e sukesuke kae mafaufau

loto koe kite Muna kae fakalogo foki kite Muna a te Atua, ka mafai o fakatupu ne koe te fakamaonia I tou loto me ia koe ko leva ne fakaleigina tou masaki. Te fakatuanaki se kope faka tea gaga tela e mafai ne ia o fai ko sose mea ke tupu kia koe. Koe e isi sou tiute o ola ite olaga tela e mafaufaugina ne koe ke ola koe iei. A tulaga ote olaga kola e seki faite ne koe e se taua kite olaga manuia kae manumalo o koe. Te fakatuanaki ko tou manumalo ite igoa o Iesu!

TAKU TINOGA FAKA-PELOFETA

Toku fakatuanaki ko te manumalo tela e fakatakavale iei te lalolagi. Au ne fanau, seai mai ite fuagata masei, kae mai ite fuagata tela se masei kae seki fakamaseigina- te Muna a te Atua tela e ola kae tumau kite se gata mai.

TUSI SUKESUKE FAOPOOPO

Loma 12:3



1 Petelu 1:23

Ko oti ne toe fanaufou koutou e auala ite muna ola a te Atua, tela e tumau ki te se gata mai, e pela mo fanau e fanau mai I matua kola e se oko kiei a te pala, kae e se mai I matua kola e oko kiei a te pala.

Ite taimi ne maua iei ne koe te Muna a te Atua, ko maua ne koe te ola tela e faipati mai kiei te Muna. Sose muna tela e lagona ne koe mai ite Atua se fuataga tela ko toki ki lotu ia koe, mo koe, kae e faipati foki e uiga mo koe. Pela manafai e lauga atu ne tatou a te muna kite fakaleiga o masakiga, te tino e lagona ne ia ka maua ne ia te fuataga ote fakaleiga mai masakiga kae ka ola aka te muna ote olaga malosi kae lei iloto ia ia. E pena foki manafai e fakaakoako ne tatou te muna a te

Atua e uiga mo mea tau tupe, ka fakaola mai ne ia fuagata ote olaga manuia kae ola I vavega fakafoofogina a te Atua. Tena te malosi mana ote Muna a te Atua! Kelisiano e seai se lotu.

Iesu Keliso kote Muna a te Atua tela ne liu tagata mai (Ioane 1:14). Tatou ko fanaufou foki ona kote fuataga tena ko te Muna. Tena te muna ote Tusi faitau a tatou ite aso nei. Koe e ola ite olaga tela ko pau mo te Atua, ona koe ko fanaufou e auala item una ola a te Atua.

TAKU TINOGA FAKA-PELOFETA

Au ne fanau mai I fuaga tela e seai se pala iei, tela la, toku olaga ka fakatumaugina ne te Muna. Au ka se mafai o fakatakavalegina ite olaga tenei. Au ka gasue ite mana malu ote Aliko ite igoa o Iesu!

TUSI SUKESUKE FAOPOPO

Ioane 1:14

**Efeso 4:7**

Ko oti ne tuku mai kia tatou takitokotasi a te alofa tauanoa, e pela eiloa mote fakasoasoga ote mealofa a Keliso kia tatou.

Tatou ko oti ne tuku mai kia tatou a te alofa tauanoa tafasili ite olaga tenei. Te Muna Eleni ite pati tenei ko te alofa tauanoa kote 'charis'tela tena uiga ite gana palagi kote "faka tinoga." "Charis" e fakauiga ki te malosi faka tea gaga iluga ite agaga ote tagata tela e fakatino I tua ne te tagata I tena olaga tela ko mafua mai iei te alofagia, gali, mafaufau lei, alofagia mo te mafai. Ko te mana malosi ote Atua tena iloto i tou agaga, tela e fakaasi ki tua I tou olaga. Te alofa tauanoa tenei e fai ne ia ko koe ke alofagina kae aumai ne ia te mana malosi ke uke iloto I tou olaga. Te alofa tauanoa ote Atua I tou olaga se malosi faka tea gaga ia koe tela e fai ne ia koe ke manuia i sose

mea e fai ne koe. Kae ke tupu ake koutou ite alofa tauano: " ke tupuake ite alofa tauanoa, kae ite iloa ote tou Aliko fakaola ko Iesu Keliso..." (2 Petelu 3:18). Te alofa tauanoa ko te malosi o avaka koe ki luga. Ko ia tela e fai ne ia tou olaga ke gasue mai ite tulaga nei kite tulaga tai lei atu. Tena te mea e fakamalosi mai iei te Muna Tap uke tupuake koe ite alofa tauanoa. Sose tama a te Atua ko oti ne avatu kia ia te alofa tauanoa tela e lava kae toe (Loma 5:17), kae ko te lasi o te mafai o fakaasi a te alofa tauanoa tenei I tou olaga e fai eiloa ne koe. Te lasi ote fakafonu o tou loto kite Muna a te Atua kae fakaavanoa ko te Agaga Tap uke galue ia koe, ko te lasi foki o te alofa tauano e fakaasi i tou olaga.

TAKU TINOGA FAKA-PELOFETA

Te Aliko ko oti ne fakanofa ne ia mo au te olaga faka te agaga e alatu I tena alofa tauanoa. Te olaga masiki aka ki luga ia aku. Toku mafai mo toku poto ea te Atua, alleluia!

TUSI SUKESUKE FAOPOPO: Loma 5:17

**Mataio 15:26-27**

Ne tali atu a Iesu, E se tonu ke puke a meakai a tamaliki o pei atu ki kuli. Ne tali mai a te fafine, Te Alikī, e tonu e iloa a koe, kae e oko foki ki kuli e kai ki mea toega o meakai kola e tatela ifo ite laulau a olotou pule.

Te tusi tenei se tasi o tusi tela te tokoukega e se fakaoga ne latou I olotou lauga. Iesu ne seki manavase ite mafai aia o fakaseegina e pela mo te tokoukega o tatou I aso nei. Aia ne faipati tonu kite fafine, tela ne vau o akai kia ia ke fakalei tena tamaliki fafine, se kuli. Kae se tena te vaega ikonei. Au e manako ke mafai o lavea ne koe se mea aka fakatea. Lavea ne koe te tali a Iesu kite fafine, "e se ton uke puke a meakai a tamaliki o pei atu ki kuli." Fakatali mua,

Iesu e fakaigoa ne ia a te fakaleiga ko te falaoa a tamaliki. Ko tona uiga, ite auāla foki loa tela e taumafai iei taua I aso takitasi o fakasoa a meakai ma taa tamaliki, e pena foki te mana ote Atua o fakalei a tatou ite aso nei. E pela loa mote uke o akai mai o tau tamaliki ki se falaoa mo ana kai, e mafai foki loa ne tatou o kalaga ite itoga ote Alikī ke mafai ne tatou o maua te fakaleiga ki masakiga valevale. Te fakaleiga e ia koe ite aso nei. Tou tamana ko Ieva ne fakatoka ne ia a mea konei ke fakakatoatoa iei koe. E fakaseai ne au masaki kona I tou foitino ite igoa o Iesu. Au e fakatonu ne au te kenisa ke tiaki nei ite igoa mana o Iesu!

TAKU TINOGA FAKA-PELOFETA

Ko maua ne au te fakaleiga ite igoa o Iesu. Masaki e seai se avanoaga o koutou I toku foitino; au e sasale ite mana malosī faka te agaga mai ite aso nei ki mua.

TUSI SUKESUKE FAOPOPO: 1 Petelu 2:24

**Efeso 2: 6**

Ite tou soko tasi mo Keliso Iesu, ne fakatuu ake iei ne ia a tatou fakatasi mo ia, ke pule fakatasi ta-tou mo ia ite lagi.

Ite olaga e pela me se kelisiano, tatou seki kalagagina ke taua kia satani, te tou fili, me ia ia ko leva ne fakataka-valegina! Ko oti foki ne fakamasinogina, kae ko tatou ko tino ne fakataliagina ke fai ne tatou tena fakasalaga!

Tela la tatou se taua mo ia, ko oti ne iloa ne tatou tena ikuga. Te mea tena se vaega ote mea e maua ne tatou ona ko Keliso. " o fakasala a malo e pela mot e mea ne fakatonugina ne te Atua. E tenei te manumalo o tino ote Atua.

Ite loane 16:11, Iesu ne fai mai, "te pule ote lalolagi ko oti ne fakamasinogina." Ko tona uiga satani ko oti ne fai tena fakasalaga. Aleluia! lo koe te tiute o tausii loa aia ikona- I lalo I ou vae! Tena te mea ne fai mai te muna me ia ia ke tii keatea! Koe se taua mo satani; tii atu fua aia keatea.

TAKU TINOGA FAKA-PELOFETA

E seai se meatau ne faite mo au ka manumalo. A te masei ka takavale ia au. Afe ka siga, sefulu afe ka siga I toku lima fakaa-ta, kae ka seai se mea e vau pili mai kia au, ite igoa o te Alikii Iesu.

TUSI SUKESUKE FAOPOOPO

Salamo 149:9, loane 16:11



1 Tesalonia 5:18 Ke loto fakafetai foki a koutou ki mea katoa. Tenei a te mea e manako kiei a te Atua ma ia koutou, ite tou olaga ia Ke-liso Iesu.

Ate loto fakafetai e fakasaoloto ne ia te malosi ote Atua ke kamata o galue iloto I tou olaga. Te tusi faitau e se fai mai me ite Atua e fai mai ke loto fakafetai koutou mo mea katoa kae fai mai "ki" mea katoa. Me nea mea ote olaga e pei atu kia koe, koe e manakogina ke tumau o fakafetai kite Atua, me ite tagi e mafai o gata ite, kae kote fiefia e vau ite taeao. Se mea gali manafai e mafaufau tatou ki mea kola e manakogina ne tatou mo tou olaga, te Atua e manako mai me kafai e olo atu tatou ki ona mua ke olo tatou ite loto fakafetai mo mea kola e manako tatou kiei.

Sa avegina se avanoaga kite fili ke manumalo ite fai atu me ko seai se mea e mafai ne koe o fai ke toe fakalei aka iei tou aso. E auala ite loto fakafetai e mafai iei ne koe o fakatakavale a loi kona a te fili.

TAKU TINOGA FAKA-PELOFETA

Ite aso nei au e tuu mote manumalo i sose tulaga o olaga e fakafeagai mo au. Taku tavaega e isi sena malosi o aumai a vavega. Au e se manavase!

TUSI SUKESUKE FAOPOOPO

Efeso 3:20

**Luka 15:20**

Tela ne tu ake iei aia ku luga kae ne foki atu ki tona tamana. Kae koi mao eiloo aia mai ite fale, kae ko lavea mai aia ne tona tamana; a tona loto ko fakafonugina ki te alofa, kae ne tele atu aia, tuku atu a ona lima fakatamilo I tena tamaliki tagata, kae ne sogi atu kia ia.

Ite tala fakatusa tenei ote tamaliki fakamaumau mea tenei (Luka 15:11-24), te tamana seki ai sena muna e uiga mo mea ne fakamaumau, tiga iei tena tama ne fakamaumau ne ia se vaega lasi o tena maumea ki mea se aoga. Te Tamana ne lavea fua ne ia te mea tenei e tasi me ite foki mai o tena tama se avanoaga ke toe mafai ne ia o toe fakaasi kia ia te lasi o tena alofa mo ia, kae ke toe mafai o fakafoki kia ia a mea kola ko oti ne galo mai ia. E pela mote tamana tenei ite tala

fakatusa tenei, e pena foki te kanoloto ote tou tamana ite lasi ke sai kia koe kae fakaasi atu kia koe te lasi o tena alofa mo koe. Ko tena loto tenei ko te mea ke toe fakafoki kae fakakatoatoa atu kia koe a mea ko oti ne galo mai ia koe. Tela la e se taua me nea mea see ko oti ne fai ne koe ite taimi koe teka io me nea foki a mea see ko oti ne fai ne koe. Te Atua e manako o fakafoki kia koe kite nofoga tonu o koe. Tena te mea ne fai mai iei aia kae toe fakafoki atu ne au a tausaga kola ne fakamaseigina kia koe. Ko ia fua e mafai ne ia o fakafoki a fakalei a vasia kola ko oti ne fakamasei, fakafonu ou maumea kae toe fakaola tau pisinisi mo tou maumea. Te Tala lei a te Atua e seai iei ke fakasala koe I mea ko oti ne fai ne koe I taimi ko tena, kae e manako aia o fakaasi kae fakafonu koe ki tena alofa mo ana fakamanuiga ite aso nei o fano ki mua.

TAKU TINOGA FAKA-PELOFETA

Toku tala fakasolopito ka se mafai ne ia o taofi au. Au ka fakamafuli mai ite mana malosi kite mana malosi o ia. Ka toe puke katoa ne au a mea ne kaisoa ne te fili mai ia au ite igoa malosi o Iesu!

TUSI SUKESUKE FAOPOPO: loelu 2:25



Loma 5:20

A te Tulafono ne fai ko te mea ke fakauke ne ia a tef ai mea see, kae ite koga e fanake iei o lasi a te agasala, a te alofa tauanoa o te Atua, e fanake foki o lasi atu.

Te Apositolo ko Paulo ne lauga atu ate alofa tauanoa ote Atua tela ne tokouke ne puke see ne latou me ne fai atu a Paulo ke fakalasi olotou agaga ko te mea ke fanaka foki te alofa tauanoa ote Atua. Kae e se tenei te uiga ote lauga tenei.

A Paulo ne lauga atu, aumai ke fakauke tou agasala ko te mea ke uke te alofa tauano. Te agasaga se mea masei kae e fai ne ia ko eke fakama-seigina. Kae ite tusi tenei, sea te mea e tupu manafai ko fakanaka te agasala?

Toe faitau fakalei te tusi ite aso nei. Paulo ne fai fakalei mai me ite Tulafono ne faite ne ia ke lasi te agasaga. Ko tona uiga, te lasi ote lauga atu ne koe ote Tulafono, ko te lasi foki ote agasala. E pela loa mote mua, te malosi ote agasala ko te Tulafono (1 Kolinito 15:56). Tela la, kafai e lavea ne koe a te agasala kae toe lauga atu ne koe te Tulafono, koe ko fakakaa malosi ne koe tea fi! Pikimau kite Tala Lei, kae ka lasi foki te alofa tauanoa.

TAKU TINOGA FAKA-PELOFETA

Au ne fakasao ne te alofa tauanoa, kae e mafai foki ne au o fai mea katoa ia Keliso. Te agasala e seai sena mea e mafai o fai mai kia au. Aleluia!

TUSI SUKESUKE FAOPOPO

Loma 7:8

**Loma 5:8**

Kae ko oti ne fakaasi mai ne Atua kia tatou a tona alofa lasi mo tatou- kae koi fai tatou mo tino agasala tela ne mate iei a Keliso mo tatou!

Au e fai atu kia koe e aunoa mo se fakalotoloto lua me ite Atua e alofa kia koe ite alofa seai sena gata mai. Tena alofa e seai sena tuakoi (Tio 3:3-5 NASB). Se alofa tela e tonu katoatoa, seai se masei iei kae fakaofogina. Se seai se mea e fai ki au mea e fai, kae e fakavae katoa I tena kiloga me kooi koe I ona mata.

Filifili o talitonu me ite Atua e alofa kia koe ite aso nei. Ka fai ne ia koe ke vave mafai ne koe o toe tuu ake ki luga, kae fakasoko tau saelega ite fakatuanaki

ite malosi o tau sasale mo ia. Koe e alofa fakapelepele ne tou tamana ite lagi. Ite tonuga, te Tusitapu e fai mai, me koi fai eiloa tatou mo tino agasala, lesu ne mate mo tino masei. Kae e pefea la manafai nei koe ko fai mo tino fou ia ia? Ke fai tenei mo tau molimau ke fakatumai I tou mafaufau. Koe kote tama a tena alofa!

TAKU TINOGA FAKA-PELOFETA

Au se fatu taua kite Atua, ne toe fanau fou ite ola faka tea gaga I tena mana malosi, ite gali mo tena mana I tena agaga!

TUSI SUKESUKE FAOPOOPO

Tito 3:3-5



2 Kolinito 4:13

Muna a te tusitusiga tapu, "A au ne faipati ona ko au ne talitonu." Ite agaga ote fakatuanaki eiloa e tasi, ne ala iei o faipati foki a matou pena me ia matou ko talitonu.

E se lava ko koe fua ke iloa ne koe te Muna I tou lotu. Koe e tau o faipati ne koe. Tena te taimi ka fakatino iei a te mana malosi. Ite taimi ne fakaosooso iei te tou Aliko Iesu ite koga lavaki, aia ne seki mafaufau fua kite Tusitusiga tapu. Ne faipati ne ia ki tua.

E mafai ne koe o tauloto a tusitusiga tapu e uke, kae kafai e se tauloto ne koe ke faipati ne koe, "Te Muna ne fai mai" kae fakamatata ne koe te Muna, ka seai eiloa se malosi. Te malosi ote Atua e nofo ikona, e moe seai se aoga

iloto ia koe. Te taimi loa e faipati iei ne koe ki tua, e tusa eiloa me ko te Atua e faipati. Te Muna a te Atua iloto I tou gutu e pela eiloa me vau mai te gutu ote Atua. Amene! Taina mo tuagane te talitonu ite Muna e lei, e se lava. Koe ne avatu tou gut uke mafai ne koe o fakaoga I tou olaga ite fakaaoga ne koe ote Muna a te Atua. Ite aso nei, fakaoga te Muna ke fakafoki katoa a mea ke olo tasi mo te palane a te Atua mo tou olaga. .

TAKU TINOGA FAKA-PELOFETA

A mea katoe a galue mo toku lei. Ka isi se fakamasikiga i aku sene, taku galuega, taku pisinisi, toku kaiga mo mea katoa kola e taugatonu mo au, ite igoa o Iesu!

TUSI SUKESUKE FAOPOPO

Efeso 6:17

**Kenese 13:2**

**A Apelaamo se tagata maumea
I mamoe, I kouti, I pulumakau, ke
oko foki eiloa ki aulo mo siliva.**

Au te fiafia me ne fakamatala ne te Atua te maumea o Apelaamo likiliki. Se taumate te Atua ne lavea ne ia a kautama mai mua kola ka mafai o fakamatala ne latou me ite Atua e teke kite olaga maumea. Tela ne fakamau fakalei loa ne ia I tena Muna me ia Apela se tino maumea i mea tau manu, siliva mo aulo. Apelaamo ne seki maumea fua faka te agaga.

Taina mo tuagane, te Atua e se teke kite maua ne koe te olaga maumea, kae ko ia e teke ki te pulea o koe ne maumea. Te Alik e avatu faeloa ne ia kia koe a sene, se misona mote mau-

mea o fakataunu se pogai taua. Sa alofa ki sene kae fakaoga ne koe a tino. Fakaoga a sene mo alofa koe ki tino. Ke fakalagona faeloa i tou loto me ite Atua e manako ko koe ke maumea kae ke uke atu foki ke mafai iei ne koe o fakamanuia a nisi!

TAKU TINOGA FAKA-PELOFETA

Au ko fonu kae pisa ki tua I fakamanuiaga faka te agaga. Te fakamanuia tenei e fai ne ia au ke manuia I mea katoa e fai ne au. Au e pela mo te lakau tela e toki I tafa o vai e tafe malie.

TUSI SUKESUKE FAOPOOPO

Fataoto 10:22

Bebé Angel

C O R E 1 0 0
B e B e A n g e l

CORE 100 IS AN EXCLUSIVE MEMBERSHIP PROGRAM BY PROPHETESS BEBE ANGEL FOR LADIES FROM ALL WALKS OF LIFE WHO HAVE ONE THING IN COMMON – A DESIRE TO GROW IN THEIR KNOWLEDGE OF JESUS!

TO JOIN CORE 100 VISIT

WWW.BEVERLYANGEL.ORG



UAMA IS AN EXCLUSIVE MEMBERSHIP PROGRAM BY PROPHET UEBERT ANGEL FOR
PEOPLE FROM ALL WALKS OF LIFE WHO HAVE ONE THING IN COMMON –
A DESIRE TO GROW IN MINISTRY

TO JOIN UAMA VISIT

WWW.UAMA.CO



2 Nofoaiga Tupu 20:15

...ke moa koutou e loto vaivai io me e matakū o fakasaga atu o tau ki te kautau lasi tena. Ko te Atua e taua, e se ko koutou

Ite taimi ne mai iei a fili o taua kia luta, ne kalaga latou kite Atua I olotou fakalavelave. E pela loa latou ko oti ne fakatakavale kae seki olo latou kite taua. Ko oko te mutana ote aofaki o latou o fakapau kite olotou fili, kae uke a fakalavelave e fakaagai mai kia latou. Ko seai loa se olotou fakamoemoega. Kae ko te Atua ne mafuli mai kae fai mai, te taua seai ia koutou, ia aku. Koe se manakoginake taua. Te fili ko oti ne fai tena numela kae aumai ne ia a sotia tau ite laukele mo sotia tau iluga I manu tau ke fakatakavale iei a luta. Kae te mea seki iloa ne ia me ko te

Atua e pule ite taua. Me sea te tulaga o au sene ite aso nei io me sea foki te lipoti a te tokita ki tou masaki. Te Alik te Atua ne fai mai me ia ia ka vau o tau mo koe, ko oti ne fakatoka kae koe foki ko oti ne manumalo. Tenei te muna ate tusitapu "e fai faeloa ne ia ko tatou ke manumalo ia Keliso." Tena te mea e fakaigoa iei ne te Tusitapu te taua lei ote fakatuanaki. Se taua lei me ia koe ko leva loa ne manumalo. E mafai ne ia o fakamafuli tulaga o au sene, tou malos, toe fakatoka fakalei tou kaiga. Koe e sokotasi mo mea fakafoofogina ite taimi nei. Talia ite igoa o Iesu.

TAKU TINOGA FAKA-PELOFETA

Te Alik ko toku fesoasoani ite taimi o manakogina ne au kae fai foki ne ia ko au ke manumalo i sose tulaga.

TUSI SUKESUKE FAOPOPO

Iosua 1:5



Ioane 1:14

A te Muna ne fai mo se tino kae ne fonu ite alofa tauanoa mo te meatonu, ne ola fakatasi mo tatou. Ne lavea ne tatou a tona malu, ko te malu tela ne maua ne ia e pela a ia ko te Tamaliki Tagata fua tokotasi a te Tamana.

Ite taimi ne sasale iei Iesu ite lalolagi, aia kote ata fakaasi ote alofa tauanoa ote Atua mo ona mea ne faite. Te tou tusi ite aso nei e fai mai me ko ia kote katoatoaga ote alofa tauanoa mote tonu. Tela la, e tiga iei ko se toe sasale te Aliko ite lalolagi, kae isi se tala lei mo koe. Te Muna tela ne liu tagata ite taimi ne ola iei aia ite lalolagi nei seki galo aka loa se vaega o tena malosi mo tena alofa tauanoa. Koi mafai faeloa ne koe o maua a te Aliko Iesu kae kau

fakatasi mo ia e auala I tena Muna. Kafai koe e lagona ne koe me ite lalolagi ko teke atu kia koe, tena muna e fai me ka se tiaki ne ia koe. Ea koe e masaki ite aso nei? Tena Muna ne fai mai "I ana pakiaga, ko fakalei iei tatou."

Me sea te mea e manakoe koe kiei ite aso nei. Tena alofa tauanoa e lava kae toe mo koe. Ite taimi e onono iei koe kite Muna a te Atua ite aso nei, tena alofa tauanoa ka ofa ne ia ki lalo a manakoga masei, fakalei a loto mafatia ite igoa o Iesu!

TAKU TINOGA FAKA-PELOFETA

Te alofa tauanoa ote Atua e lava kae toe mo au. E mafai ne au o fai a mea katoa e auala ia Keliso tela e fakamalosi ne ia au! E malosi atu aia tela e nofo iloto ia au ilo ia tela ite lalolagi. Aleluia!

TUSI SUKESUKE FAOPOPO: Loma 8:3-4

**Efeso 5:18-19**

Ke moa e kona koutou ite uaina, tela e fakamasei ne ia koutou ka eke fonu a koutou ite Agaga. Ke fakatau faipati koutou ki muna o Salamo, ki te muna o pese, mo pese tapu; ke usu foki ne koutou a pese lotu mo salamo kite Aliko mo tavaega I outou lotu.

Te Atua ko oti ne avatu ne ia te malosi lasi kite tino talitonu. Koe e nofo mo koe te malosi o aumai a mea lei kite lalolagi tenei. Koe kote maina kite pouliga mote masei ote lalolagi. Tou mainaga e tau o maina atu o fakaseai te pouliga kae aumai ne ia te lagi kite lalolagi.

Kae koe e tau o fakafonugina kite Agaga Tapu ke mafai o fakataunu a mea nei. Tasi o aualea ke fakafonugina ko te

faipati o koe ki muna o Salamo, pese, kae usu atu kite Aliko. Koe ka fakagasuegina kae fakamalosigina I tou agaga. E mata koe e fanoanoa kae fita ite aso nei? E mafai ne koe o fai se mea kiei. E se manakogina ne koe se tino aka. Koe e mafai o faipati ki Salamo mo pese. Koe e mafai o fakagasue tou agaga mafai koe e talo ite agaga kae usu I tou lotu kite Aliko. Kafai ne koe te mea nei, te fanoanoa mote fita ka tiaki ne altou a koe. Te ulumae ka fano keatea ite igoa o Iesu!

TAKU TINOGA FAKA-PELOFETA

E mafai ne au o fai a mea katoa ia Keliso tela e fakamalosi ne ia au. Au e malosi ona ko te Agaga Tapu tela e fai ne ia ko au ke manumalo ite aso tenei.

TUSI SUKESUKE FAOPOOPO

Galuega 6:8

**Loma 6:13**

E se tau foku o tuku atu sose vaega o koutou eiloa kite agasala ko te mea ek fakaaogagina mo pogai masei. Kae tuku atu koutou kite Atua, e pela eiloa mo latou kola ko oti ne aumagina mai ite mate kite ola, kae tuku atu a outou foifino kia ia ke fakaaogagina mo pogai amiotonu.

Ite taimi ne fai iei koe mo tino agasala, te fai ote agasala se mea faigofie kae fai I taimi katoa. A mea katoa a koe e nofo I lalo ite agasala. Nei koe ko oti ne fakaoalagina kae ko te tama a te Atua, koe e mafai ne koe o aumai tou kaiga kite amiotonu. Nei tatou ko pologa kite amiotonu. E iloa ne koe, te ola mo te Atua e fakafeagai mo faigataga kae e se mafa. Te mea e tau o fai ne koe ko te salamo patonu ki tena alofa tauanoa kae talia ko te tino fou o koe ia ia ke kamata o ola ia koe. Te nofo mai lalo ote malosi ote amiotonu, ka maua iei ne tatou a tatou e fai ne tatou a mea kola e fakafiafia kite Atua. Onoono kite Tusitapu I tagata kola ne iai fakatasi mote Agaga, pela mo Samasoni. Ne mafai o fai ne latou a mea lasi fakaofoogina kae talia ke takigina latou ne te Alik.

TAKU TINOGA FAKA-PELOFETA

Au se tamaliki a te Atua. Nea mea ne malosi iei te agasala I toku olaga ko oti ne mate aktoa. Au se pologa a te amiotonu. Toku mafaufau, toku alelo, mo mea katoa a aku e nofo katoa I lalo ite alofa tauanoa. E aunoa mo se faigata, ka fakatino I toku olaga a te olaga faka Atua. Fakafetai, Tamana!

TUSI SUKESUKE FAOPOOPO

Loma 6:12-22, Famasino 14:5-6

**Epelu 13:6**

Tela la ke loto toka a tatou o fai ake “A te Aliki ko toku fesoasoani, A au ka se mataku! Sea a te mea e mafai o fai ne se tino kia au?”

Ite taimi ne nofo iei koe I taimi faigata o tou olaga, e fesoasoani, alofa mote tali alofa o tou kaiga mo ou taugasoa e mafai o seai. E tokotasi fua e tau o iloa ne koe mote maunoinoa me ka fano koe kiei kae se mafai lele ne ia o fakaseke tau akai mo se fesoasoani. Tena aloga e lasi ake poko atu ite moana. Tena fatu e toka faeloa o fakatali a koe, ana taliga e matala faeloa o fakalogo ki tau talosaga. E seai aka se tino, vagona ko te Agaga Tapu, te tou fakamafanafanaga tonu kae toka o fesoasoani i sose taimi.

Fai sau filifiliga ite aso nei o talitonu kia ia I mea katoa I tou olga. E pili kii atu aia kia koe ilo ou gatu kona e pei nei. E se mafai o tiaki ne ia koe kae se mafai o tiakina ne ia koe.

TAKU TINOGA FAKA-PELOFETA

Ko oti ne maua ne au ia Iesu Keliso se taugasoa tonu kae fakamaoni. E fakalafi ne au toku ola kia ia kae ka se toe mafai au o pau mo taimi mua.

TUSI SUKESUKE FAOPOPO

Loma 4:21

**Hosea 4:6**

A oku tino ko fakamalaiagina me ese talia ne latou au....

Te fakalavelave lasi loa a koe nei e pela me se tino talitonu se ona me manakogina ne koe ke tapale keatea a mea mua mai ia koe kae ona ko te seai o se mainaga, se mana, se malosi mo te iloa! Satani seai ko tau fakalavelave. E iloa ne ia o fakaoga tou se maina ke fakaosoosogina iei ne ia koe.

Te ulu kite Muna a te Atua e aumai ne ia te mainaga. Koe ka se mafai o seiloa ne koe me sea te mea e tau o fai ne koe manafai e iloa ne koe et Muna. Koe e nofo mote tino tafasili ite poto I tou kona. Muna Paulo tatou e se tau o ola mo te seiloa I mea faigalueaga a te fili. Ite aso nei, fakapei kia koe te

Tala Lei ite Muna a te Atua. Au tupa ka fakatokaga malie. Te gasuega I tou kaiga kae gata ite taimi e kamata iei koe o saele ite poto ote Atua. Saga malosi ke moa koe e ola ite olaga seai se maina I tautoga mo te Tala Lei a te Atua e uiga mo tou olaga ite aso nei.

TAKU TINOGA FAKA-PELOFETA

Au ka se nofo mo te se iloa I tautoga a te Atua mo toku olaga. Ka fakasoko te fakalogo o au kite tala lei I tena alofa tauanoa, au ka fakamafuli mai te mana malu ki tona mana malu.

TUSI SUKESUKE FAOPOPO

Fataoto 4:7

**Loma 4:17**

E pela mo muna a te Tusinga tapu, ko oti ne fai ne au a ko emo fai a te Tamana o fenua e tokouke. Tela la a te feagaiga e lei ite kilo a te Atua, tela ne talitonu kiei a Apelaamo- ko te Atua tela e au-mai ne ia a tino mate kite ola kae tela foki ko ana fakatonuga e au-mai ne ia ke mafua mai a mea koa e seki mafua mai.

Ite taimi ne lavea iei ne Iesu a Simon, ana muna ite gana Eleni ko tona uiga 'potu lakau' kae ne fuli ne ia kia Petelu tela ko tona uiga 'kaupapa. Kae ko Petelu seki fuli fakavave loa ki se tino tela e pela mo se Kaupapa, malosi, makeke kae se gasuesue? Ikaai, mo se taimi leva, ne fakasoko loa aia o fai

pela me se potu lakau tela e vave gasue manafai te matagi e agi. Te Atua ne seki mai kia tatou ke kalaga tatou ki mea kola ko isi ne foliga ke foliga mai e pena. Sea la te pogai ne seki fai mai iei pena? Me sei la se mea e mafuli iei. Ikaai, te Atua ne fai mai ke kalaga kae fakatonu tatou ki mea kola seki ai ke isi e pela loa latou ko isi kae ka fai eiloa pena!

Kafai koe e masaki ite aso nei, kamata o kalaga kite malosi e manakogina ne koe. Kafai se fakamasikiga ite galuega, tala tou gutu kae taku atu te taku leiga o koe ite Aliko. Mea katoa ia koe. Aleluia!

TAKU TINOGA FAKA-PELOFETA

Aku pati e se ne pati se aoga, latou e fakafonugian kite mana faka tea gaga, kae ka fakataunu ne latou a mea kola ne uga latou ke fakataunu. Aleluia!

TUSI SUKESUKE FAOPOPO

Fataoto 18:21

**Mataio 6:33**

Ke muamua o sala tena Malo, mo tena amiotonu, kae ka faopopo atu katoa a mea konei kia koe.

Ona kote mama ote mafai o tosina valea atu tou loto kite tupe mo mea kola e mafai o maua mai iei, te Aliko ko oti ne fakatoka ne ia se fakatokaga tela a te maumea e maua fua manafai e tuku ne koe te Atua ke muamua I tou olaga. Te Muna a tatou ite aso nei e fai mai, ke sala muamua tena malo mo tena amiotonu, kae ka faopopo katoa a mea konei kia koe."

Te pogai e se tau iei o fakatupu a mea ite lalolagi tenei me I tou loto ka tapale keatea mai ite Atua kae tuku ki mau-meamea konei. Te kii kite taunu manuia kite Malo o te Atua e tasi e iloa te pogai.

Koe e se mafai ne koe o fai te mea tafasili ki mea e lua ite taimi e tasi. Kafai e tuku ne kote te Atua mo tena Malo muamua i tou olaga, kae fakaopopo ne ia a maumea e uke kola e manakogina ne koe. Sea aka e sili stu ite iloa ne koe o ia? Fakamuamua ate mea tela e tau o fakamuamua.

TAKU TINOGA FAKA-PELOFETA

Te manuia ia aku ite igoa o Iesu. Au ka se mafai o takavale. Au e ola ite olaga ote Atua ia au. Au ka taligina kae maua avanoaga i aso katoa, ite itoga o Iesu!

TUSI SUKESUKE FAOPOPO

Fataoto 10:22

**Maleko 5:34**

**Ne fai atu a Iesu kia ia, taku tama-
liki fafine, a tou fakatuanaki ko oti
ne fai ne ia a koe ke lei. Fano mo
te manuia, kae ke fakaleigina a
koe mai I tou fakalavelave.**

E mata e lagona sale ne koe me fai mai sale me ite fakatuanaki e fakagasue ne ia te Atua? Te tokoukega ko nofo loa o taumau o fai ko te Atua ke fai ne ia se mea. Kae ite tonuga te mea tenei e teke kite fakatuanaki. Kilo kite tala ote fafine tela ne fano tena sua tela ne lei ite patelega kia Iesu. Te Aliko ne seki talo aka loam o ia. Kae ne tupu pefea te mea nei? Me ona te Atua ko leva ne fakatoka ne ia te fakaleiga o tena masaki. Te mea fua e manakogina ke fai ne ia kote fakagalua o tena fakatuanaki kae puke mea kola ea ia. Ne mea

e manako koe kiei ite taimi nei? Au e isi saku tala gali mo koe. Te Atua ko leva ne avatu ne ia ma koe. E tena loa e tuku mai ko koe fua ke gasue o puke ite fakatuanaki! Tela la te fakatuanaki e se fakagasue ne ia te Atua. Se ko te Atua e lave ise koga. Ko tatou. Te fakatuanaki se fai foki ne ia te Atua ke fai ne ia se mea. E ave fua ne ia tatou ki loto I mea ko leva ne fakatoka ne te Atua mo tatou I Kalevalia 2000 tausaga ko teka. A mea katoa e manakogina ne tatou ko leva ne fakatoka ne Iesu I te manumalo ite sataulo mot e tugamau. E pela me se tino tokotasi, gasue ki loto I tau mea fakafoofogia e auala ite fakaoga o tou fakatuanaki.

TAKU TINOGA FAKA-PELOFETA

Au e tavini kite Atua mana malosia tela e seai se mea e se mafai ne ia o fai. E seai se mea e faigata io me se fakalavelave seki fakatoka ne ia. Au ka fakatonu mo tena manumalo kae taku-taku toku manumalo I sose taua e fepaki mo au ite igoa o Iesu!

TUSI SUKESUKE FAOPOOPO: Maleko 11:24

**Isaia 55:11**

E pena foki te Muna tela e faipati ne au ka se mafai o fakatamala ite fai ne ia te mea e fuafua ne au mo ia, kae fai ne ia a mea takitasi ka-toa e uga ne au ke fai.

Te Tusi ite aso nei e fakaasi mai ne ia te mea funa ite galuega ote Muna a te Atua. Te tusi e fai mai me ite Muna kae se mafai o fakatamala ite fakataunu ote mea ne uga ke fai. Tela la te Muna e galue ite auala foki mai. Nea muna ko oti ne faipati ne te Atua e uiga mo koe, faipati foki ne koe. Kafai te Atua e fai mai ia koe ka maumea, koe e tau o faipati, au e maumea. Kafai e fai mai aia me ia koe e sili atu I ou fili, koe e tau o fai, au e sili atu I oku fili. Ona ko ana pakiaga, koe ko fakaleigina, koe e tau o pakalaga, au ko lei. Sa fakatali ki sea.

Fakagalue te Muna ite faipati ne koe. Sea te mea ne manakogina ne koe ite aso? Fano kite Muna kae kamafa o fakatoka fakalei ite Muna. Kae ite taimi e faipati iei ne koe, te mana malosi ka fakatoka ne ia te fakamafuliga ki loto ite tulaga tena e faipatigina ne koe. Aleluia!

TAKU TINOGA FAKA-PELOFETA

Te Muna e galue. Au ko tino tela ne fai mai te Atua ko au. Au se tama a te tupu, sei se mea e matakū iei au! Au e isi se mana ke maumea au, ke uke a palane manuia kae ola lei. Ana pakiaga ko lei iei au. E taku tonu ne au me au e manuia I oku fili, sei se mea e fakagata ne ia toku gasue ki mua ite igoa o Iesu!

TUSI SUKESUKE FAOPOOPO

Salamo 107:19-21



Galuega 12:7

Ne tuu fakavave mai se agelu a te Aliko ikona, kae ne isi se mainaga ne maina iloto ite falepuipui. Ne lulu ne te agelu a te tuauma o Petelu, ne fagu ne ia kae ne fai atu, ke vave, tu ki luga, I kona eiloa, too iei keatea a seni mai I ona lima.

A pelesitene e puipui ne tino tafasili ite poto ite puipuiga o tino maluga pena ite fenua. Ona ko te isi ne tino penei, ko mafai iei ne te pelesitene mo nisi tino maluga o fenua o sasale o fai olotou tiute I koga fakamataku. Koe foki e isi ne tino tafasili ite poto, toka mo mea katoa e igoa ki agelu. Tiga e se lavea latou ki mata, agelu e tonu kae e fakagasue ne latou a mea ite lalolagi nei. Kae te mea e gali iei me ite Atua ko oti ne tauto ne ia latou kia koe. E pela

me se kelisiano, koe ko oti ne vau ki te mauga o Siona, tela e nofo iei se fia mo fia o agelu. Ite tou tusi ite aso nei e fai mai me ite oko maiga o te agelu, ne matala a filifili ia Petelu kae ne sao aia mai ite falepuipui. Ke mafaufau aka koe, koe e uke a agelu I ou tafa. Ko tona uiga ka seai se mea e tau o tupu kia koe. Koe ka galue lei au mea e fai. E fai au galuega ite aso nei, kae e isi ne agelu ko oti ne fakatonugina ke fesoasoani kia koe. E isi se agelu e galue I tau keisi ite Fono, ko koe ke manumalo. Se agelu ko oti ne uga kef ai ne ia ko tau tusi ke manumalo. Me sea te vaega o tou ola, e isi faeloa se agelu ko oti ne tuku atu kia koe ke avatu ne ia kia koe te tala lei.

TAKU TINOGA FAKA-PELOFETA

Au e fakatonu ki agelu ke teke keatea a temoni fakamasei. Mea katoa ke nofo I olotou koga tonu, au ka fano ite aso nei kae ka iku a mea katoa kite manumalo. Agelu e onoono kia au, kae ko toku olaga e saogalemu. Au ko ulu ki loto ite vaega fou kae gali o toku olaga. Fakafetai, Iesu!

TUSI SUKESUKE FAOPOPO: Galuega 12:1-10



Kenese 26:22

Ne tiakina ne ia a te koga tena o fano o toe keli a te sua vaikelii. E seki iai se kinauga ite vaikelii tena, tela ne fakaioga iei ne ia ko 'Saolotoga', Muna Isaako, ko tuku mai ne te Aliko a te saolotoga ki a tatou o nofo ite fenua tenei, kae ka manuia a tatou I konei.

I nisi o taimi, kafai e mea e se galue mo koe, tena se fakaasi ia koe e nofo ite koga see. Se tenei te mea e tupu faeloa ona me I nisi taimi e manakogina fua ko fakalavelave e agai mai ke tai fakamalosii koe o fakaagai kia latou. Kae kafai e taumafai koe kae se galue, kaati ko taa te taimi ko tau o fakamasiki tou tulaga ki se isi koga. Isaako ne taumafai o fakaseke te fepaki mo te kau Filisitaa ite taimi ne faitaua mai kite

vaikelii tela ne keli ne ia. Ite taimi te taua iei latou ite tino ea ia te vaikelu, te mea ne fai ne ia ne gasue fua aia ki se isi koga aka. Koe e tau o fakaeteete ite mea ma fita koe, ou taimi mo ou maumea ite faitu faka te agaga mo te faitu faka te foitino kae seai ne fuataga e tau ne koe. Fakalogo kite Agaga ke iloa ne koe te taimi ko tau iei koe o gasue. E fai e iloa au galue ite aso nei, talo kote Aliko ke takitaki kae ota ne ia au sitepu ite igoa o Iesu. Ke fakatuu ne ia koe ite koga tonu tela e manako aia kiei mo tau mea fakaofoofogina. Koe e manumalo ite aso nei!

TAKU TINOGA FAKA-PELOFETA

Te Aliko fakaasi mai kia au te sua koga ko oti ne fakatoka ne koe ke gasue au kiei. Au e teke te nofo ite koga tela e se gasue iei au ki se koga. Au ko toka mo se fakamafuiliga; Au ko toka o fakagasue kite sua levolo ite olaga. Au e fakafetai mo tau takitakiga kite koga tela e maumea kae tokaga malie ko oti ne fakatoka ne koe ko oku. Amene!

TUSI SUKESUKE FAOPOOPO: Kenese 26:16-33, Luta 1:22, 4:13



2 Kolinito 3:18

Tela la ko tatou katoe kola e se ufiufi a otou mata, e matea ne tatou a te malu ote Aiki, tela e fulifuli malielie ne ia a tatou ke foliga kia ia, ite malu e sili atu I malu katoa, tela e vau mai te Aiki ko ia kote Agaga.

Ite taimi e fakaakoako ei koe o fakatele, te tino fakatonutonu e fai au kia koe ke tuku faeloa ou mata kite auala e fakatele koe kiei maise loa manafai e isi ne kaa e tele mai. E fai atu latou me kafai e fakatoka loa ou mata ki kaa kola e mai, ka mafai ne koe o fakatele kia latou kae mafai o tupu se fakalavelave. E pau foki mo tou olaga. Te koga e saga koe kiei ka tena foki te koga ke tele kiei tou olaga. Te Atua ko oti ne mai ne ia kia tatou a tena Muna mo takitaki a tatou kite olaga manuia

kae filemu. Kafai e saga loa ou mata kite Muna a te Atua, koe ka fai e pena mo te mea e faipati koe kiei. Ka kamata o fakagalue ne koe tou malosi ki tulaga e feagai mo koe. Ka fai ne koe se fakamafuliga I se vaega kese ote olaga. Toe faitau fakalei te tusi ote aso. E fai mai me ite malu sili ka mafuilfuli kite sua malu sili! Te tonuga o koe e tena ite kilo tela kote Muna a te Atua. Kafai e fai mai te Tusitapu ia koe ko mafuli kite malu sili, ko tone uiga koe ko fuli ki te malu sili o te Atua. Koe ne seki faite ke nofo fua koe ite feitu. Me se koga fea ote olaga nei e nofo koe iei, koe ne fait eke fai ne koe se fakamafuliga. Tausi ou mata I tena Muna kae onono kite mafuliga o tou olaga ki ou mata.

TAKU TINOGA FAKA-PELOFETA

Oku mata e nofo ite Muna. Au e teke ke moa au e fakalavelave ne fatufatuga mo tala se tonu. Matakuga o nisi tino kae se saga au kiei. Au ko toka o saele ite auala tela e tau o saele atu iei ite igoa o Iesu!

TUSI SUKESUKE FAOPOPO: Epelu 12:1-2

**Mataio 4:4**

Kae ne tali atu a Iesu, “Muna te tusitusiga tapu, e se mafai ne tino ola o ola fua iluga o falaoa, kae e manako latou ki muna takitasi ka-toa kola e faipati mai ne te Atua.

E pela me se tamaliki a te Atua, koe e se fakalofa, io me ola fua ite alofa tauanoa tela e aumai I tou aualga. Ite tonuga, te Muna a te Atua e avatu ne ia kia koe te pule ne koe a mea ite lalolagi nei. Te Apositolo ko Paulo ne fai me ite Muna a te Atua e vave kae e malosi kae e kai atu ite pelu kai matalua. Tena te ata o te Atua. Tena te pogai, tatou kelisiano, e tau o ola ite Muna. Ite aso nei, au e manako o fakaasi kia koe se mea tela e vave atu ite Muna tusi a te Atua, ko te Muna e faipati mai ne te Atua. Ke iloa ne koe,

kafai koe e mafaufau loto kite Muna a te Atua, kae ka toki mau te muna I tou agaga, kafai e oko mai a fakalavelave, te Agaga o te Atua e mafai ne ia o fakaaoga te Muna tela iloto I tou agaga o fakatoka koe taku atu Muna mai te Atua. Tena te mea a te Tusi a tatou mote aso nei e fai mai me ite tagata e se ola fua I falaoa kae mai te Muna mai te gutu o te Atua. Se muna e tasi, mo se pogai e tasi, ise taimi e tasi mo se tino e tokotasi. Ke maua tau muna mai te Atua ite aso nei! Koe e manumalo ite aso nei ite igoa o Iesu! Te alofagia ea koe! Seai ne masaki e oko ki tou foitino! Tenei tou aso, fano ki tua kae puke ne koe!

TAKU TINOGA FAKA-PELOFETA

Au e malosi atu ite tino toa, te Muna mai te Atua e galue iloto ia au. E seai ne meatau masei e manumalo ia au, me malosi atu aia tenei iloto ia au ilo ia tela ite lalolagi. Io oku te aso tenei, alleluia!

TUSI SUKESUKE FAOPOPO: Luka 4:9-12



HAVE YOU RECEIVED JESUS CHRIST YET?

WE INVITE YOU TO MAKE JESUS CHRIST
THE LORD OF YOUR LIFE BY PRAYING THIS PRAYER;

“O LORD GOD, I COME TO YOU IN THE NAME OF JESUS CHRIST. I BELIEVE WITH ALL MY HEART IN JESUS CHRIST, SON OF THE LIVING GOD. I BELIEVE HE DIED FOR ME AND GOD RAISED HIM FROM THE DEAD. I BELIEVE HE’S ALIVE TODAY. I CONFESS WITH MY MOUTH THAT JESUS CHRIST IS THE LORD OF MY LIFE FROM THIS DAY. THROUGH HIM AND IN HIS NAME, I HAVE ETERNAL LIFE; I’M BORN AGAIN. THANK YOU LORD, FOR SAVING MY SOUL! I’M NOW A CHILD OF GOD. HALLELUIAH!”

CONGRATULATIONS! YOU ARE NOW A CHILD OF GOD.

TO RECEIVE MORE INFORMATION ON HOW YOU CAN GROW
AS A CHRISTIAN, PLEASE GET IN TOUCH WITH US ON

UK: +44 3333 448 612

USA +1 240 781 6942

RSA +27 51 004 0209

SCRIPTURE PASSAGE FOR PROTECTION

ISAIAH 54:

14 I AM BUILD SOLID, GROUNDED IN
RIGHTEOUSNESS,
FAR FROM ANY TROUBLE—NOTHING TO
FEAR!
FAR FROM TERROR—IT WON'T EVEN COME
CLOSE!

15 IF ANYONE ATTACKS ME,
I WILL NOT THINK FOR A MOMENT THAT
GOD SENT THEM,
AND IF ANY SHOULD ATTACK ME,
NOTHING WILL COME OF IT.

16 GOD CREATED THE BLACKSMITH
WHO FIRES UP HIS FORGE
AND MAKES A WEAPON DESIGNED TO KILL.
HE ALSO CREATED THE DESTROYER—

17 BUT NO WEAPON THAT CAN HURT ME
HAS EVER BEEN FORGED.
ANYONE WHO ACCUSES ME
WILL BE DISMISSED AS A LIAR.
I AM GOD'S SERVANT SO THIS IS WHAT I CAN
EXPECT
GOD WILL SEE TO IT THAT EVERYTHING
WORKS OUT FOR THE BEST FOR ME."

THIS IS WHAT GOD SAYS TO ME AND
IT WILL NOT FAIL IN JESUS'S NAME!



TheGoodNewsWorld Helplines

USA: +1 (240) 781-6942

UK: +44 333 344 8612

RSA: +27 (51) 004-0209

www.goodnewsworld.com